

Na osnovu člana 8 stav 6, člana 25 stav 11, člana 27 stav 4, člana 34 stav 4, člana 36 stav 4 i člana 39 stav 6 Zakona o pravnoj zaštiti industrijskog dizajna ("Službeni list CG", broj 80/10), Ministarstvo ekonomije, donijelo je

# Pravilnik o postupku za priznanje, promjenama i obnovi važenja industrijskog dizajna

*Pravilnik je objavljen u "Službenom listu CG", br. 12/2012 od 24.2.2012. godine.*

## **Predmet**

### **Član 1**

Ovim pravilnikom uređuje se bliža sadržina i način vođenja Registra industrijskog dizajna (u daljem tekstu: Registar) i evidencije prijava industrijskog dizajna (u daljem tekstu: evidencija prijava), bliži sadržaj zahtjeva i prijave za registraciju dizajna, bliži sadržaj zahtjeva za razdvajanje višestruke prijave i dokumentacija koja se prilaže uz zahtjev, bliži sadržaj podataka iz rješenja o registraciji dizajna koji se objavljuju u Službenom glasilu, bliži sadržaj zahtjeva za upis promjena u Registar i dokumentacija koja se prilaže uz zahtjev i bliži sadržaj zahtjeva za obnovu zaštite dizajna i dokumentacija koja se prilaže uz zahtjev.

## **Sadržaj i način vođenja Registra**

### **Član 2**

Registar sadrži:

1) broj prijave, odnosno broj svakog pojedinačnog industrijskog dizajna (u daljem tekstu: dizajn), ako je podnijeta višestruka prijava, sa ukupnim brojem dizajna;

2) ime i prezime, odnosno naziv nosioca dizajna sa sljedećim podacima: adresa, odnosno sjedište (ulica i broj, poštanski broj, mjesto i država), broj telefona, telefaksa ili adresa elektronske pošte i sl., kao i državljanstvo nosioca dizajna (u daljem tekstu: kontakt podaci);

3) prikaz dizajna (izgled), odnosno podatak da je priložen uzorak;

4) naziv proizvoda ili dijela proizvoda u kojem je dizajn sadržan ili na koji je dizajn primijenjen;

5) ime i prezime ovlašćenog zastupnika, ako ga nosilac dizajna ima, sa kontakt podacima;

6) ime i prezime zajedničkog predstavnika, ako je podnijeta zajednička prijava, sa kontakt podacima;

7) ime i prezime dizajnera, odnosno tima dizajnera, sa kontakt podacima odnosno podatak da dizajner, odnosno tim dizajnera ne žele da budu navedeni u prijavi;

8) podatak da je uz prijavu podnjet opis prikaza ili uzorka dizajna, u skladu sa članom 5 stav 2 tačka 1 ovog pravilnika;

- 9) datum objavljivanja registracije dizajna u Službenom glasilu nadležnog organa;
- 10) podatak o odlaganju objavljivanja i period za koji se traži odlaganje;
- 11) broj razreda i podrazreda prema Lokarnskom sporazumu o ustanovljenju međunarodne klasifikacije industrijskog dizajna (u daljem tekstu: Međunarodna klasifikacija);
- 12) podaci o pravu prvenstva, i to:
- datum i broj prve prijave i naziv države u kojoj je ta prijava podnijeta, ako se radi o unijskom pravu prvenstva, ili
  - naziv izložbe, datum otvaranja i zatvaranja, i datum prvog dana izlaganja proizvoda u kojem je dizajn sadržan ili na koji je dizajn primijenjen, ako se radi o izložbenom pravu prvenstva;
- 13) podaci o pravnom osnovu za prestanak važenja dizajna;
- 14) podaci o žalbi protiv zaključka o obustavi postupka, ako je žalba podnijeta, i to:
- ime i prezime odnosno naziv podnosioca žalbe, sa kontakt podacima,
  - broj i datum zaključka nadležnog organa protiv kojeg se žalba podnosi,
  - datum prijema žalbe,
  - ime i prezime odnosno naziv zastupnika, ako ga podnosilac žalbe ima, sa kontakt podacima i
  - datum i vrsta odluke donesene povodom žalbe;
- 15) podaci o tužbi za utvrđivanje registracije dizajna ništavom, i to:
- ime i prezime odnosno naziv podnosioca tužbe, sa kontakt podacima,
  - broj i datum registracije dizajna zbog koje se tužba podnosi,
  - datum podnošenja tužbe i
  - datum i vrsta odluka donešenih povodom tužbe, te podatak o pravosnažnosti presude na tužbu za utvrđivanje dizajna ništavim i sadržina izreke te presude, i
- 16) podaci o uplaćenim administrativnim taksama i naknadama posebnih troškova postupka. Registar se vodi u elektronskom obliku.

## **Sadržaj i način vođenja evidencije prijava**

### **Član 3**

Pored podataka utvrđenih Zakonom o pravnoj zaštiti industrijskog dizajna (u daljem tekstu: Zakon), evidencija prijava sadrži:

- 1) broj prijave, odnosno broj svakog pojedinačnog dizajna, ako je podnijeta višestruka prijava, sa ukupnim brojem dizajna;
- 2) datum podnošenja prijave;
- 3) ime i prezime odnosno naziv podnosioca prijave, sa kontakt podacima;
- 4) ime i prezime odnosno naziv ovlašćenog zastupnika, sa kontakt podacima;
- 5) ime i prezime odnosno naziv zajedničkog predstavnika, sa kontakt podacima, ako je podnijeta zajednička prijava;
- 6) ime i prezime dizajnera, odnosno tima dizajnera, sa kontakt podacima, odnosno podatak da dizajner, odnosno tim dizajnera ne žele da budu navedeni u prijavi;
- 7) podatak da je uz prijavu podnesen opis prikaza ili uzorka dizajna, u skladu sa članom 5 stav 2 tačka 1 ovog pravilnika;

8) podatak o odlaganju objavljivanja i period za koji se traži odlaganje;

9) broj razreda i podrazreda prema Međunarodnoj klasifikaciji;

10) podaci o pravu prvenstva, ako je to pravo zatraženo, i to:

- datum i broj prve prijave i naziv države u kojoj je ta prijava podnijeta, ako se radi o unijskom pravu prvenstva, ili

- naziv izložbe, datum otvaranja i zatvaranja, kao i datum prvog dana izlaganja proizvoda u kojem je dizajn sadržan ili na koji je dizajn primijenjen, ako se radi o izložbenom pravu prvenstva;

11) podaci o pravu prvenstva prvobitne prijave, ako je prijava koja je predmet upisa nastala izdvajanjem iz višestruke prijave;

12) podaci o izmjenama iz prijave dizajna, i datum kada su te izmjene unesene u evidenciju prijava;

13) datum donošenja zaključka o obustavi postupka, ako je takav zaključak donijet;

14) podaci o žalbi protiv zaključka nadležnog organa, ako je žalba podnijeta, i to: kontakt podaci podnosioca žalbe,

- broj i datum zaključka nadležnog organa protiv kojeg se žalba podnosi,

- datum prijema žalbe,

- kontakt podaci zastupnika, ako ga podnosilac žalbe ima i

- datum i vrsta odluke donijete povodom žalbe;

15) podaci o uplaćenim administrativnim taksama i naknadama posebnih troškova postupka.

Evidencija prijava vodi se u elektronskom obliku.

## **Prijava za registraciju dizajna**

### **Član 4**

Prijava za registraciju dizajna (u daljem tekstu: prijava) podnosi se nadležnom organu u pisanom obliku, neposredno ili poštom.

Pored podataka utvrđenih Zakonom, prijava sadrži:

1) svojeručno potpisanu izjavu dizajnera, odnosno tima dizajnera ili podnosioca prijave da dizajner odnosno tim dizajnera ne žele da budu navedeni u prijavi, i

2) dokaz o pravu prvenstva.

## **Sadržaj zahtjeva za registraciju dizajna**

### **Član 5**

Zahtjev za registraciju industrijskog dizajna kao sastavni dio prijave sadrži:

1) izričit zahtjev za registraciju industrijskog dizajna;

2) broj prijave dizajna i datum njenog podnošenja;

3) ime i prezime, odnosno naziv podnosioca prijave, sa kontakt podacima;

4) naznaku proizvoda u kojem će dizajn biti sadržan ili na koji će se dizajn primjenjivati na način da jasno označi prirodu proizvoda i omogućiti da svaki proizvod bude klasifikovan u jedan razred i ukoliko je moguće, naziv sa liste proizvoda, u skladu sa Međunarodnom klasifikacijom;

5) ime i prezime odnosno naziv ovlaštenog zastupnika, sa kontakt podacima, ako ga podnosilac prijave ima;

6) naznaku o imenovanju zajedničkog predstavnika, ako je podnijeta zajednička prijava;

7) naznaku ukupnog broja dizajna, ako je podnijeta višestruka prijava, i

8) potpis podnosioca prijave ili zajedničkog predstavnika, odnosno potpis i pečat zastupnika, ako ga podnosilac prijave ima.

Pored podataka iz stava 1 ovog člana, zahtjev za registraciju dizajna može da sadrži:

1) opis vidljivih obilježja prikaza ili uzorka dizajna koji ne može biti duži od sto riječi za svaki dizajn, bez navođenja podataka koji se odnose na novost dizajna, individualan karakter dizajna, odnosno njegovu tehničku vrijednost;

2) zahtjev za odlaganje objave registrovanog dizajna s naznakom perioda za koje se odlaganje traži;

3) klasifikaciju proizvoda (naznaku razreda) u kojem će dizajn biti sadržan ili na koji će se dizajn primijeniti, u skladu s Međunarodnom klasifikacijom;

4) kontakt podaci o dizajneru ili timu dizajnera, odnosno podatak da dizajner, odnosno tim dizajnera ne žele da budu navedeni u prijavi;

5) podatke o pravu prvenstva, u skladu sa čl. 29 i 30 Zakona, i

6) naznaku da je prijava nastala izdvajanjem iz višestruke prijave, kao i broj prvobitne prijave.

Zahtjev iz stava 1 ovog člana prilaže se, na obrascu D-1 koji je sastavni dio ovog pravilnika, u dva primjerka.

## **Prikaz dizajna**

### **Član 6**

Prikaz dizajna kao sastavni dio prijave, prilaže se na obrascu D-2 koji je sastavni dio ovog pravilnika u dva primjerka.

Obrazac D-2 formata je A 4.

Prostor za prikaz dizajna ne može biti veći od dimenzija 26,2 x 17 cm, ni manji od dimenzija 4 x 4 cm, a sa lijeve strane tog prostora nalazi se margina od najmanje 2,5 cm.

U gornjem lijevom uglu obrasca D-2 ovog pravilnika označava se ukupan broj dizajna u prijavi, redni broj dizajna i broj pogleda u skladu sa stavom 5 ovog člana, kao i podnosilac prijave, odnosno zajednički predstavnik.

U prostoru namijenjenom za prikaz dizajna lijepi se ili otiskuje elektronskim putem grafički prikaz, odnosno fotografija dizajna prikazana u crno - bijeloj tehnici ili u boji i na svakom primjerku obrasca D-2 ovog pravilnika može se nalaziti samo jedan grafički prikaz, odnosno jedna fotografija dizajna.

Grafički prikaz, odnosno fotografija dizajna moraju da imaju prave uglove i ravne ivice, ne mogu biti presavijeni, označeni ni spojeni sa obrascem probijanjem, a na dizajnu ili uz dizajn koji se nalazi na grafičkom prikazu, odnosno fotografiji ne navode se objašnjenja, legende, ni drugi predmeti, pripadak, lice ili životinja.

Ako se jednim grafičkim prikazom odnosno fotografijom ne mogu prikazati sva obilježja novosti i individualni karakter dizajna, za njihovo prikazivanje može se dostaviti više grafičkih prikaza, odnosno fotografija, odnosno najviše šest prikaza dizajna u različitim pogledima, u kom slučaju svaki prikaz dizajna posebno se označava na način da oznaka sadrži dva broja razdvojena tačkom, pri čemu prvi broj označava redni broj dizajna, a drugi broj označava broj pogleda (primjer: 1.1, 1.2, 1.3).

U slučaju iz stava 6 ovog člana, uz prijavu se prilaže potreban broj umnoženih primjeraka obrasca D-

2 ovog pravilnika, a u donjem desnom uglu obrasca unosi se broj stranice.

Ako se na priloženom prikazu dizajna određeni dio ne vidi dovoljno jasno, taj dio se može prikazati u povećanom razmjeru.

Sve priložene i označene stranice zajedno čine jedan primjerak obrasca D-2 ovog pravilnika.

## **Grafički prikaz dizajna**

### **Član 7**

Grafički prikaz dizajna prilaže se u originalu ili u reprodukovanom primjerku originala izrađenog elektronskim sredstvom ili grafičkim postupcima, ako taj reprodukovani primjerak ima isti kvalitet kao original.

Grafički prikaz dizajna mora biti prikladan za reprodukovanje.

Grafički prikaz u originalu ili u reprodukovanom primjerku originala dizajna izvodi se pomoću pribora za crtanje ili elektronskim putem na način da su crte pune (neisprekidane), a obilježja dizajna jasno vidljiva.

Ukoliko je moguće, trodimenzionalni dizajn treba da bude prikazan u perspektivi i može sadržati sjene i osjenčenja, radi isticanja prostornosti.

Grafički prikaz dizajna izvodi se na bijelom papiru.

Grafički prikaz dizajna ne može biti tehnički crtež kojim se predmet prikazuje u presjeku ili crtež koji sadrži osne crte i veličine (dimenzije).

Izuzetno od stava 3 ovog člana, na grafičkom prikazu dizajna mogu se nalaziti isprekidane crte, ako se takvim crtama označavaju vidljivi djelovi dizajna za koje se ne traži zaštita u navedenom postupku.

## **Fotografija dizajna**

### **Član 8**

Prijava može sadržati fotografiju dizajna ili reprodukciju takve fotografije, izrađenu elektronskim sredstvima ili postupcima.

Fotografije i reprodukcije fotografija izrađuju se na način da obilježja prikazanog dizajna budu jasno vidljiva i da su prikladne za reprodukovanje.

Za prikaz dizajna ne može se priložiti fotokopija fotografije.

Fotografija dizajna prikazuje se na neutralnoj i jednobojuj podlozi.

Fotografija ne može biti retuširana (tušem, tintom ili korekturnom tečnošću).

## **Prikaz dizajna od više ponavljanih struktura, slova i brojeva**

### **Član 9**

Ako se prijava odnosi na dizajn koji se sastoji od više ponavljanih struktura (šara, dezena i slično) prikazom dizajna pokazuje se sama struktura i dovoljni dio ponovljene površine.

Ako se prijava odnosi na dizajn tipografskih oblika slova, prikaz dizajna mora se sastojati od niza svih velikih i malih slova abecede i niza arapskih brojeva od nule do devet, kao i pet redova teksta pisanog tim oblikom slova, fonta veličine 16.

## **Prikaz dizajna u boji i crno bijeloj tehnici**

### **Član 10**

Ako je uz prijavu priložen prikaz dizajna u boji, dizajn se registruje i objavljuje u toj boji, a ako je priložen prikaz u crno - bijeloj tehnici, dizajn se registruje i objavljuje u toj tehnici.

Prilikom objave dizajna i izdavanja rješenja o dizajnu čiji je prikaz priložen u boji, koristiće se najbolja tehnika reprodukcije kojom nadležni organ raspolaže.

U slučaju spora o nijansama ili tonovima boja u kojima je dizajn reprodukovano, kao vjerodostojan dizajn proizvoda smatra se originalni primjerak prikaza dizajna priložen u prijavi.

### **Položaj dizajna**

#### **Član 11**

Pravilan položaj dizajna je položaj u kojem je dizajn prikazan na obrascu D-2 ovog pravilnika.

### **Prikaz u višestrukoj prijavi dizajna**

#### **Član 12**

Ako je podnijeta višestruka prijava, za svaki dizajn dostavlja se poseban grafički prikaz, odnosno fotografija. Ako je u višestrukoj prijavi isti dizajn prikazan sa više grafičkih prikaza, odnosno fotografija, svi prikazi koji se odnose na isti dizajn posebno se označavaju brojem, u skladu sa članom 6 stav 7 ovog pravilnika (primjer: 1.1, 1.2, i 1.3 za prvi dizajn, 2.1, 2.2, 2.3 za drugi dizajn).

### **Uzorak dizajna**

#### **Član 13**

Uzorak dizajna treba da ima dimenzije ne veće od 26,2 x 17 cm, težinu do 100 grama i debljinu do 5 mm, i dostavlja se zalijepljen na obrascu D-2 ovog pravilnika.

Proizvodi koji su podložni kvarenju ili su opasni za čuvanje ne mogu biti prihvaćeni kao uzorci.

Uzorak dizajna dostavlja se u tri primjerka, a u slučaju višestruke prijave dostavlja se po tri primjerka uzorka za svaki dizajn.

Ako se prijava odnosi na dizajn iz člana 9 stav 1 ovog pravilnika, uzorkom dizajna prikazuje se sama struktura i dovoljni dio ponovljene površine.

Ako je zatraženo odlaganje objave, nosilac registrovanog dizajna dostavlja grafički prikaz ili fotografiju dizajna, u skladu sa ovim pravilnikom, u roku od 90 dana prije isteka perioda na koji je odlaganje traženo, radi objavljivanja podataka u skladu sa članom 15 st. 2, 3 i 4 ovog pravilnika.

### **Sadržaj zahtjeva za razdvajanje višestruke prijave**

#### **Član 14**

Zahtjev za razdvajanje višestruke prijave sadrži:

- izričit zahtjev da se višestruka prijava razdvoji na više pojedinačnih, ili višestrukih izdvojenih prijava,
- naznaku ukupnog broja izdvojenih pojedinačnih, ili višestrukih prijava i

- novu prijavu, odnosno nove prijave koje se podnose u skladu sa ovim pravilnikom.

## **Sadržaj podataka iz rješenja o registraciji dizajna koji se objavljuju u Službenom glasilu**

### **Član 15**

U Službenom glasilu nadležnog organa objavljuju se sljedeći podaci iz rješenja o registraciji dizajna:

- 1) registarski broj dizajna i datum donošenja rješenja o registraciji dizajna i upisa dizajna u Registar;
- 2) broj prijave dizajna i datum njenog podnošenja;
- 3) ime i prezime odnosno naziv nosioca dizajna, sa kontakt podacima;
- 4) prikaz (izgled) dizajna;
- 5) naziv proizvoda ili dijela proizvoda u kojem je dizajn sadržan ili na koji je dizajn primijenjen;
- 6) broj razreda i podrazreda prema Međunarodnoj klasifikaciji;
- 7) ime i prezime odnosno naziv ovlaštenog zastupnika, ako ga nosilac dizajna ima sa kontakt podacima;
- 8) ime i prezime dizajnera ili tima dizajnera, sa kontakt podacima, osim ako su izjavili da ne žele da budu navedeni u prijavi, i
- 9) podaci o pravu prvenstva i to:
  - datum i broj prve prijave kao i naziv države u kojoj je ta prijava podnijeta, ako se radi o unijskom pravu prvenstva, ili
  - naziv izložbe, datum njenog otvaranja i zatvaranja, i datum prvog dana izlaganja proizvoda u kojem je dizajn sadržan ili na koji je dizajn primijenjen, ako se radi o izložbenom pravu prvenstva.

Ako je zatraženo odlaganje objave, u Službenom glasilu nadležnog organa objavljuju se podaci iz stava 1 tač. 1, 2, 3, 7 i 8 ovog člana, kao i podatak da je zatraženo odlaganje objave.

Prikaz dizajna i pojedinosti vezane za izgled dizajna se ne objavljuju.

Nakon isteka perioda na koji je objava odložena, dizajn se objavljuje u prvom narednom Službenom glasilu nadležnog organa.

Ako je prikaz obilježja dizajna zbog tehničkih ograničenja pri objavi grafičkog prikaza, odnosno fotografije sporan, kao vjerodostojan dizajn proizvoda smatra se originalni primjerak prikaza dizajna priložen u prijavi.

Nakon objave, svako zainteresovano lice ima pravo uvida u prikaz.

Ako je zatraženo odlaganje objave, zainteresovano lice ima pravo uvida samo u bibliografske podatke o dizajnu iz stava 2 ovog člana.

Podaci iz stava 1 ovog člana označavaju se INID kodovima za identifikaciju bibliografskih podataka o dizajnu.

Ako su prilikom prve objave utvrđeni bitni nedostaci u objavi, podaci iz rješenja o registraciji dizajna će se ponovo objaviti.

## **Zahtjev za upis promjena u Registar**

### **Član 16**

Upis promjena u Registar pokreće se pisanim zahtjevom.

Zahtjev iz stava 1 ovog člana može se podnijeti za upis:

- 1) promjene podataka o nosiocu dizajna, do kojih je došlo nakon registracije dizajna;
- 2) licence;
- 3) prenosa prava na dizajn;
- 4) zaloge, prinudnog izvršenja i stečaja, i
- 5) drugih podataka vezanih za pravni status nosioca dizajna ili dizajn.

Zahtjev iz stava 1 ovog člana podnosi se na obrascu D-3 koji je sastavni dio ovog pravilnika.

## **Sadržaj zahtjeva za upis promjena u Registar i dokumentacija koja se prilaže uz zahtjev**

### **Član 17**

Zahtjev iz člana 16 stav 1 ovog pravilnika sadrži:

- 1) izričit zahtjev za upis promjene u Registar;
- 2) registarski broj dizajna;
- 3) broj prijave dizajna (D- broj);
- 4) kontakt podaci nosioca dizajna;
- 5) kontakt podaci podnosioca zahtjeva;
- 6) kontakt podaci ovlaštenog zastupnika, ako ga podnosioc prijave ima;
- 7) podatak o vrsti promjene koja je predmet upisa kao i sadržini same promjene, uz potpuno navođenje novih podataka za koje se zahtijeva upis, i
- 8) potpis podnosioca zahtjeva odnosno potpis i pečat zastupnika, ako ga podnosioc zahtjeva ima.

Uz zahtjev iz stava 1 ovog člana prilaže se:

- 1) dokaz o pravnom osnovu promjene za koju je zatražen upis u Registar;
- 2) ovjeren prepis ugovora o licenci ili ovjeren izvod iz tog ugovora, ili original potvrde o davanju licence kojeg su potpisali davalac i sticalac licence, ako se zahtijeva upis licence;
- 3) ovjeren prepis ugovora o prenosu, ili ovjeren izvod iz tog ugovora, ili original potvrde o prenosu kojeg su potpisali prenosilac i sticalac dizajna, ako se zahtijeva upis prenosa;
- 4) ovjeren prepis ugovora o zalozi, ili ovjeren izvod iz tog ugovora, ili original potvrde o zalozi kojeg su potpisali zalagodavac i zalogoprimac, ili druga isprava kojom se dokazuje zaloga, ako se zahtijeva upis zaloge;
- 5) ovjeren prepis isprave o postupku prinudnog izvršenja, ili stečaja, ili ovjeren izvod iz takve isprave, ako se zahtijeva upis prinudnog izvršenja ili stečaja;
- 6) uredno punomoćje, ako podnosioc zahtjeva ima zastupnika, i
- 7) dokaz o uplaćenju administrativnoj taksi i naknadi posebnih troškova postupka.

## **Sadržina zahtjeva za obnovu zaštite dizajna i dokumentacija koja se prilaže uz zahtjev**

### **Član 18**

Obnova zaštite dizajna pokreće se pisanim zahtjevom.

Zahtjev iz stava 1 ovog člana sadrži:

- 1) izričit zahtjev za obnovu zaštite dizajna;
- 2) registarski broj dizajna, odnosno broj dizajna iz višestruke prijave za koji se zahtijeva obnova zaštite;
- 3) broj prijave dizajna ( D - broj);
- 4) ime i prezime nosioca dizajna, sa kontakt podacima;
- 5) ime i prezime ovlašćenog zastupnika, ako ga podnosioc prijave ima, sa kontakt podacima;
- 6) potpis podnosioca zahtjeva, odnosno potpis i pečat zastupnika, ako ga podnosioc zahtjeva ima.

Zahtjev iz stava 1 ovog člana podnosi se na obrascu D-4 koji je sastavni dio ovog pravilnika.

Uz zahtjev za obnovu zaštite dizajna prilaže se:

- 1) uredno punomoćje, ako podnosioc zahtjeva ima zastupnika, i
- 2) dokaz o uplaćenju administrativnoj taksi i naknadi posebnih troškova postupka.

## **Dostavljanje obrazaca**

### **Član 19**

Primjerak obrazaca utvrđenih ovim pravilnikom, nadležni organ će dostaviti stranci na zahtjev.

## **Stupanje na snagu ovog pravilnika**

### **Član 20**

Ovaj pravilnik stupa na snagu osmog dana od dana objavljivanja u "Službenom listu Crne Gore".

Broj: 0901-2756/2

Podgorica, 22. decembra 2011. godine

Ministar  
dr **Vladimir Kavarić**, s.r.

**Obrazac D-I, str. 1**

ZAVOD ZA INTELEKTUALNU  
SVOJINU CRNE GORE  
81000 PODGORICA, Rimski trg  
46

**ZAHTJEV ZA REGISTRACIJU INDUSTRIJSKOG  
DIZAJNA**

(popuniti čitko štampanim slovima)

POPUNJAVA ZAVOD ZA	Datum i sat podnošenja prijave, klasa, djelovodni broj:
INTELEKTUALNU SVOJINU	
Broj prijave:	
Broj stranica:	

## POPUNJAVA PODNOSILAC PRIJAVE

**1. ZAHTIJEVA SE REGISTRACIJA INDUSTRIJSKOG DIZAJNA ZA PRIKAZAN(E)  
DIZAJN(E) PROIZVODA**

Višestruka prijava:

Ukupan broj dizajna:

**2. PODACI O PODNOSIOCU\***Pravno lice Fizičko lice Jedinstveni matični broj građana  
(JMBG) / Matični broj (MB)

Ime i prezime/firma

Adresa (ulica i kućni broj,  
mjesto i poštanski broj, država)Državljanstvo/naziv države u  
kojoj pravno lice ima sjedišteAdresa za dostavu  
(ako je različita od gore navedene)Telefon, telefaks, e-pošta  
(nije obavezno)**3. NAZNAKA O IMENOVANJU  
ZAJEDNIČKOG  
PREDSTAVNIKA, AKO JE PODNIJETA  
ZAJEDNIČKA  
PRIJAVA**

Priložena izjava o zajedničkom predstavniku

**4. PODACI O OVLAŠĆENOM  
ZASTUPNIKU\***Priloženo punomoćje Jedinstveni matični broj građana  
(JMBG) / Matični broj (MB)

Ime i prezime/firma

Adresa (ulica i kućni broj,  
mjesto i poštanski broj, država)Državljanstvo/naziv države u  
kojoj pravno lice ima sjedišteAdresa za dostavu  
(ako je različita od gore navedene)Telefon, telefaks, e-pošta  
(nije obavezno)**5. IZNOS ADMINISTRATIVNIH TAKSI I NAKNADA TROŠKOVA POSTUPKA**

a) Administrativna taksa

Osnovni

iznos.....

Dodatni iznos za

\_\_\_\_\_ dizajna.....

Ukupno: \_\_\_\_\_

b) Naknada troškova  
postupka

Osnovni

iznos.....

Dodatni iznos za \_\_\_\_\_ dizajna.....

Ukupno:

Priložen dokaz o plaćenju taksi	<input type="checkbox"/>	Priložen dokaz o plaćenim naknadama troškova	<input type="checkbox"/>
Priložen zahtjev za oslobođenje od plaćanja	<input type="checkbox"/>	Priložen zahtjev za oslobođenje od plaćanja	<input type="checkbox"/>

\* ako na obrascu nema dovoljno mjesta za upis podataka navedenih pod rednim brojem 2., 3.,4., 8.,9. i 10 podaci se navode na dodatnom listu D-l, str. 3

broj stranice	1	od	
---------------	---	----	--

**Obrazac D-l, str. 2**

**ZAHTJEV ZA REGISTRACIJU INDUSTRIJSKOG DIZAJNA (nastavak)**

(Reprodukovati stranicu u slučaju kada prijava sadrži više od 1 dizajna (koristiti 1 stranicu za 1 dizajn)

Dizajn broj _____ od ukupno _____	Podnosilac:
<b>6. NAZNAKA PROIZVODA</b>	<b>7. Loc (8) Cl.:</b>
<b>8. PODACI O DIZAJNERU ILI TIMU DIZAJNERA, ODNOSNO PODATAK DA DIZAJNER, ODNOSNO TIM DIZAJNERA NE ŽELE DA BUDU NAVEDENI U PRIJAVI*</b>	Dizajner je podnosilac prijave <input type="checkbox"/> Priložena izjava da dizajner(i) ne želi(e) biti naveden(i) <input type="checkbox"/>
Jedinstveni matični broj građana (JMBG)	
Ime i prezime	
Adresa (ulica i kućni broj, mjesto i poštanski broj, država)	
Državljanstvo	
Telefon, telefaks, e-pošta (nije obavezno)	
<b>9. PODACI O PRAVU PRVENSTVA*</b>	
a) UNIJSKO PRAVO PRVENSTVA	Priložen dokaz <input type="checkbox"/>
Naziv države u kojoj je podnesena prva prijava	
Datum prve prijave	
Broj prve prijave	
b) IZLOŽBENO PRAVO PRVENSTVA	Priložen dokaz <input type="checkbox"/>
Naziv izložbe	
Datum otvaranja i zatvaranja izložbe	
Datum prvoga dana izlaganja na izložbi	

<b>10. OPIS VIDLJIVIH OBILJEŽJA PRIKAZA ILI UZORKA DIZAJNA*</b>				
<b>11. OSTALO</b>				
a) ODLAGANJE OBJAVE				
Zahtjev za odlaganje objave registracije <input type="checkbox"/>	Period odlaganja _____			
b) UZORAK				
Prikaz dizajna je nadomješten uzorkom, koji se nalazi u prilogu <input type="checkbox"/>				
c) IZDVOJENA PRIJAVA (prijava nastala izdvajanjem iz višestruke prijave) <input type="checkbox"/>				
Broj prvobitne prijave _____				
<b>POTPIS PODNOSIOCA PRIJAVE/ZAJEDNIČKOG PREDSTAVNIKA/POTPIS I PEČAT ZASTUPNIKA</b>	<b>POTPIS I PEČAT ZAVODA ZA INTELEKTUALNU SVOJINU CRNE GORE</b>			
* ako na obrascu nema dovoljno mjesta za upis podataka navedenih pod rednim brojem 2., 3., 4., 8., 9. i 10 podaci se navode na dodatnom listu D-1, str. 3	<table border="1" style="width: 100%;"> <tr> <td style="width: 60%;">broj stranice</td> <td style="width: 10%;">od</td> <td style="width: 30%;"></td> </tr> </table>	broj stranice	od	
broj stranice	od			

**Obrazac D-1, str. 3**

**ZAHTJEV ZA REGISTRACIJU INDUSTRIJSKOG DIZAJNA  
DODATNA STRANICA**

Podnosilac prijave

Ova stranica koristi se za dopunu podataka o podnosiocu prijave (2), zajedničkom predstavniku (3), zastupniku (4), dizajneru ili timu dizajnera (8), podataka o pravu prvenstva (9) i opisa vidljivih obilježja prikaza ili uzorka dizajna (10). Molimo navedite redni broj rubrike na koju se odnose dodatni podaci.

Reprodukovati stranicu u slučaju kada prostor nije dovoljan za navođenje svih podataka

broj stranice

od

**Obrazac D-2**

**PRIKAZ / UZORAK DIZAJNA**

Prikaz ili uzorak dizajna sastavni su dio prijave za registraciju industrijskog dizajna i obavezno je priložiti ih uz prijavu

Ukupan broj dizajna u prijavi	Redni broj dizajna (lijeva rubrika) Broj pogleda (desna rubrika)	Podnosilac/Zajednički predstavnik
Reprodukovati stranicu u slučaju kada postoji više prikaza/uzoraka	broj stranice	od

**Obrazac D-3, str. 1**

ZAVOD ZA INTELEKTUALNU  
SVOJINU CRNE GORE  
81000 PODGORICA, Rimski trg 46

**ZAHTJEV ZA UPIS PROMJENA U REGISTAR**  
(popuniti čitko štampanim slovima)

POPUNJAVA ZAVOD ZA INTELKTUALNU SVOJINU	Datum i sat podnošenja zahtijeva, klasa, djelovodni broj:
Broj prijave: industrijskog dizajna:	
Broj stranica:	

POPUNJAVA PODNOSILAC ZAHTJEVA

<b>1. ZAHTIJEVA SE UPIS PROMJENE U REGISTAR INDUSTRIJSKOG DIZAJNA</b>				
<b>2. REGISTARSKI BROJ INDUSTRIJSKOG DIZAJNA*:</b>				
<b>3. PODACI O NOSIOCU INDUSTRIJSKOG DIZAJNA*</b>				
Jedinstveni matični broj građanina (JMBG)				
Ime i prezime/firma				
Adresa (ulica i kućni broj, mjesto i poštanski broj, država)				
Državljanstvo/naziv države u kojoj pravno lice ima sjedište				
Adresa za dostavu (ako je različita od gore navedene)				
Telefon, telefaks, e-pošta (nije obavezno)				
<b>4. PODACI O PODNOSIOCU ZAHTJEVA*</b>				
Jedinstveni matični broj građanina (JMBG) / Matični broj (MB)				
Ime i prezime/firma				
Adresa (ulica i kućni broj, mjesto i poštanski broj, država)				
Državljanstvo/naziv države u kojoj pravno lice ima sjedište				
Adresa za dostavu (ako je različita od gore navedene)				
Telefon, telefaks, e-pošta (nije obavezno)				
<b>5. PODACI O OVLAŠĆENOM ZASTUPNIKU*</b>	Priloženo punomoćje <input type="checkbox"/>			
Jedinstveni matični broj građanina (JMBG) / Matični broj (MB)				
Ime i prezime/firma				
Adresa (ulica i kućni broj, mjesto i poštanski broj, država)				
Državljanstvo/naziv države u kojoj pravno lice ima sjedište				
Adresa za dopisivanje (ako je različita od gore navedene)				
Telefon, telefaks, e-pošta (nije obavezno)				
* ako na obrascu nema dovoljno mjesta za upis podataka navedenih pod rednim brojem 3.,4., 5.,6., 7. i 8 podaci se navode na dodatnom listu D-3, str. 3	<table border="1"> <tr> <td>broj stranice</td> <td>1</td> <td>od</td> </tr> </table>	broj stranice	1	od
broj stranice	1	od		

**ZAHTJEV ZA UPIS PROMJENA U REGISTAR**

(popuniti čitko štampanim slovima)

<b>6. PODATAK O VRSTI PROMJENE*</b>		priložen dokaz o pravnoj osnovi promjene <input type="checkbox"/>	
<div style="border: 1px solid black; width: 100%; height: 100%;"></div>			
<b>7. SADRŽINA PROMJENE*</b>			
a) podaci koje treba promjeniti			
b) novi podaci za koje se zahtijeva upis			
<b>8. IZNOS ADMINISTRATIVNIH TAKSI I NAKNADA TROŠKOVA POSTUPKA</b>			
a) Administrativna taksa Osnovni iznos ..... _____ Dodatni iznos za _____ dizajna..... _____ Ukupno: _____		b) Naknada troškova postupka Osnovni iznos ..... _____ Dodatni iznos za _____ dizajna..... _____ Ukupno: _____	
Priložen dokaz o plaćenju taksi <input type="checkbox"/>		Priložen dokaz o plaćenju naknadama troškova <input type="checkbox"/>	
Priložen zahtjev za oslobođenje od plaćanja <input type="checkbox"/>		Priložen zahtjev za oslobođenje od plaćanja <input type="checkbox"/>	
<b>POTPIS PODNOSIOCA ZAHTJEVA/POTPIS I PEČAT ZASTUPNIKA</b>		<b>POTPIS I PEČAT ZAVODA ZA INTELEKTUALNU SVOJINU</b>	

\* ako na obrascu nema dovoljno mjesta za upis podataka navedenih pod rednim brojem 3., 4., 5., 6., 7. i 8. podaci se navode na dodatnom listu D-3, str. 3

broj stranice	1	od	
---------------	---	----	--

**ZAHTJEV ZA UPIS PROMJENA U REGISTAR**  
**DODATNA STRANICA**

Podnosilac zahtjeva

Ova stranica koristi se za dopunu podataka o broju industrijskog dizajna (2), nosiocu industrijskog dizajna (3), podnosiocu zahtjeva (4), ovlaštenom zastupniku (5), podataka o vrsti promjene (6) i sadržini promjene 7). Molimo navedite redni broj rubrike na koju se odnose dodatni podaci.

Reprodukovati stranicu u slučaju kada prostor nije dovoljan za navođenje svih podataka

broj stranice

od

**Obrazac D-4, str. 1**

ZAVOD ZA INTELEKTUALNU  
SVOJINU CRNE GORE  
81000 PODGORICA, Rimski trg  
46

**ZAHTJEV ZA OBNOVU ZAŠTITE INDUSTRIJSKOG  
DIZAJNA**  
(popuniti čitko štampanim slovima)

POPUNJAVA ZAVOD ZA  
INTELEKTUALNU SVOJINU

Datum i sat podnošenja zahtijeva, klasa, djelovodni broj:

Broj prijave: industrijskog dizajna:

Broj stranica:

## POPUNJAVA PODNOSILAC ZAHTJEVA

**1. ZAHTIJEVA SE OBNOVA ZAŠTITE INDUSTRIJSKOG DIZAJNA****2. REGISTRARSKI BROJ  
INDUSTRIJSKOG DIZAJNA,  
ODNOSNO BROJ DIZAJNA IZ  
VIŠESTRUKÉ PRIJAVE\*****3. PODACI O NOSIOCU INDUSTRIJSKOG DIZAJNA\***Jedinstveni matični broj građanina  
(JMBG) / Matični broj (MB)

Ime i prezime/firma

Adresa (ulica i kućni broj, mjesto  
i poštanski broj, država)Državljanstvo/naziv države u  
kojoj pravno lice ima sjedišteAdresa za dostavu (ako je različita  
od gore navedene)Telefon, telefaks, e-pošta (nije  
obavezno)**4. PODACI O OVLAŠĆENOM  
ZASTUPNIKU\***Priloženo punomoćje Jedinstveni matični broj građanina  
(JMBG) / Matični broj (MB)

Ime i prezime/firma

Adresa (ulica i kućni broj, mjesto  
i poštanski broj, država)Državljanstvo/naziv države u  
kojoj pravno lice ima sjedišteAdresa za dostavu (ako je različita  
od gore navedene)Telefon, telefaks, e-pošta (nije  
obavezno)

**5. IZNOS ADMINISTRATIVNIH TAKSI I NAKNADA TROŠKOVA POSTUPKA**

a) Administrativna taksa  Osnovni iznos ..... _____  Dodatni iznos za _____ dizajna..... _____  Ukupno: _____  Priložen dokaz o plaćenju taksi <input type="checkbox"/>  Priložen zahtjev za oslobodjenje od plaćanja <input type="checkbox"/>	b) Naknada troškova postupka  Osnovni iznos ..... _____  Dodatni iznos za _____ dizajna..... _____  Ukupno: _____  Priložen dokaz o plaćenim naknadama troškova <input type="checkbox"/>  Priložen zahtjev za oslobodjenje od plaćanja <input type="checkbox"/>
<b>POTPIS PODNOSIOCA ZAHTJEVA/POTPIS I PEČAT ZASTUPNIKA</b>	<b>POTPIS I PEČAT ZAVODA ZA INTELEKTUALNU SVOJINU</b>

\* ako na obrascu nema dovoljno mjesta za upis podataka navedenih pod rednim brojem 2., 3. i 4. podaci se navode na dodatnom listu D-4, str. 2

broj stranice	1	od	
---------------	---	----	--

**Obrazac D-4, str. 2**

**ZAHTJEV ZA OBNOVU ZAŠTITE INDUSTRIJSKOG DIZAJNA  
DODATNA STRANICA**

Podnosilac zahtjeva

Ova stranica koristi se za dopunu podataka o broju industrijskog dizajna (2), nosiocu industrijskog dizajna (3), i zastupniku (4.).

Molimo navedite redni broj rubrike na koju se odnose dodatni podaci.

--

Reprodukovati stranicu u slučaju kada prostor nije dovoljan za navođenje svih podataka

broj stranice	od	
---------------	----	--